

UPUTSTVO

O PRAVU NA KORIŠTENJE, SADRŽAJU, VRSTI, BOJI, KOLIČINI I DUŽINI TRAJANJA LIČNIH I ZAŠTITNIH SREDSTAVA I OPREME MEDICINSKOG OSOBLJA U ZAVODIMA ZA IZVRŠENJE KRIVIČNIH SANKCIJA, PRITVORA I DRUGIH MJERA BiH

I. OPĆE ODREDBE

1. Ovim Uputstvom se bliže određuje i uređuje pravo na korištenje, sadržaj, vrsta, boja, količina i dužina trajanja ličnih i zaštitnih sredstava i opreme medicinskog osoblja u zavodima za izvršenje krivičnih sankcija, pritvora BiH.

II. PRAVO I OBAVEZE KORISNIKA LIČNIH I ZAŠTITNIH SREDSTAVA I OPREME

2. Pravo za nabavku i korištenje ličnih i zaštitnih sredstava i opreme pripada medicinskom osoblju u zavodima za izvršenje krivičnih sankcija, pritvora i drugih mjera BiH .

3. Ovlašteni medicinski službenik dužan je lična i zaštitna sredstava i opremu čuvati i uredno održavati.

III. VRSTA I KOLIČINA LIČNIH I ZAŠTITNIH SREDSTAVA I OPREME

4. Lična i zaštitna sredstava i oprema ovlaštenog medicinskog službenika sastoji se:

a) Za ljekara opće prakse od:

- bijeli mantil (dugi rukav) - 2 kom.
- bijela bluza (kratki rukav) - 2 kom.
- bijele pantalone - 2 kom.
- bijela suknja - 2 kom.
- bijele papuče - 2 kom.

b) Za medicinske sestre od :

- bijeli mantil (dugi rukav) - 4 kom.
- bijela bluza (kratki rukav) - 4 kom.
- bijele pantalone - 4 kom.
- bijela suknja - 4 kom.
- bijele papuče - 4 kom.
- borosane - 4 kom.

IV. IZGLED, BOJA, SIROVINSKI SASTAV I ROKOVI UPOTREBE

5. Lična i zaštitna sredstva i oprema ovlaštenog medicinskog osoblja su određeni prema vrsti, izgledu, boji i sirovinskom sastavu:

a) Mantil je bijele boje, uobičajenog kroja i oblika, dužine ispod koljena koji odgovara sirovinskom sastavu, i to 60% pamuka i 40% poliester. Na desnoj strani prednjice se našiva lajsna širine 3 cm na kojoj se nalaze rupice za dugmad. Rukavi su obični, bez manžetni. Prilikom izrade mantil se podešava anatomskoj građi korisnika. Mantil za medicinske sestre na vrhu lijevog džepa ima traku plave boje širine 2 cm dužine 10 cm.

b) Bluza je bijele boje, uobičajnog kroja i oblika, izrađena od tanjeg materijala koji odgovara sirovinskom sastavu, i to 60% pamuka i 40% poliester. Na desnoj strani prednjice se našiva lajsna širine 3 cm na kojoj se nalaze rupice za dugmad. Rukavi se završavaju manžetnama. Bluza za medicinske sestre na lijevoj strani ima traku plave boje širine 2 cm dužine 10 cm.

c) Pantalone za ljekara su bijele boje, a za medicinske sestre su bijele boje i sadrže plavu oznaku na džepovima te da odgovara sirovinskom sastavu, i to 60% pamuka i 40% poliester. Pantalone imaju naprijed dva kosa džepa, čiji je rub štepom štepom širine 5 mm i otvora 16 cm, učvršćen ringlama na desnoj strani, nazad se nalazi džep kopča sa dugmetom. Prednjica je ispod pojasa ravna, bez faltni i sa unutrašnje strane postavljena postavom do ispod koljena. U sjedalu su pojačane sa bajlagom. Kopčanje šlica naprijed je patent zatvaračem i iznad šlica, na pojasu, stavlja se kopča i jedno dugme na produženom pojasu. Na gornji dio hlača našiva se pojas, širine 4 cm, iz dva dijela sa osam gajki koje se učvršćuju 2 cm ispod pojasa.

d) Suknja je uobičajenog kroja, bijele boje i sa unutrašnje strane postavljena svilenom tkaninom odgovarajuće boje. Sprijeda ima dvije faltne, a pozadi dva ušitka i dovoljan broj gajki za kaiš. Sa lijeve strane zakopčava se sa tri dugmeta ili patent zatvaračem i jednim dugmetom na pojasu. Prilikom izrade suknja se podešava anatomskoj građi žene.

e) Zaštitne papuče su bijele boje te da odgovaraju sirovinskom sastavu, đon-poliuretan i gornjište od kože.

f) Borosane su standardnog oblika, materijala i bijele su boje.

6. Za sve dijelove ličnih i zaštitnih sredstava i opremu određen je jedinstven rok trajanja od 18 mjeseci.

V. PRELAZNE I ZAVRŠNE ODREDBE

7. Ovo Uputstvo stupa na snagu danom donošenja, a objavit će se u "Službenom glasniku BiH".